

Atuarfinni sorlerni meeqqanut inuusuttunullu ajornartorsiutitik pillugit saaffigisinnaasaminnik amigaateqarnersut pillugit, amigaaqillu taakku qanoq iliuuseqarfigineqarsinnaanersut pillugit pilersaaruteqartoqarnersoq aallaavigalugu Naalakkersuisut UPA 2017-imut nalunaarusiornissaannik suliniuteqaqqullugit

Inatsisartut aalajangiiffigisassaattut siunnersuut.

(Inatsisartunut ilaasortamit. Anthon Frederiksenimit, Partii Naleraq saqqummiunneqartoq)

pillugu

siunnersuutip aappassaaneerseqarnissaanut

Ilaqtariinnermut Peqqissutsimullu Ataatsimiititaliap

ISUMALIUTISSIISSUSIAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Laura Tàunâjik, Siumut, siulittaasoq
 Inatsisartunut ilaasortaq Mala Høy Kuko, Atassut, siulittaasup tullia
 Inatsisartunut ilaasortaq Jess Svane, Siumut
 Inatsisartunut ilaasortaq Karl-Kristian Kruse, Siumut
 Inatsisartunut ilaasortaq Debora Kleist, Inuit Ataqtigiit
 Inatsisartunut ilaasortaq Mimi Karlsen, Inuit Ataqtigiit
 Inatsisartunut ilaasortaq Kelly Berthelsen, Inuit Ataqtigiit

UKA 16-imi oktoberip 24.-iani siullermeerinninnerup kingorna ataatsimiititaliap siunnersuut sukumiinerusumik misissorpaa.

Siunnersuutip imarisaa siunertaalu

Nunatsinni meeqqat atuarfiini atuartut inuuniarnermini ajornartorsiutitik pillugit saaffissaaleqisut qanoq amerlatiginersut pillugit nassuiaammik UPA 2017-imi saqqummiussisoqarnissaa siunnersuutigaa. Tamatuma saniatigut meeqqat atuarfii tamarmik saaffigineqarsinnaasunik taamaattunik peqalernissaannut suliniutit pilersaarusiorneqarnissaasa qulakkeerseqarnissaa saqqummiunneqassaaq. Siunnersuummi tunngavigineqarpoq inuiaqatigiinni meeqqanut inuusuttunullu mianernartumik inissisimasorpasuarut suliniarnerit nukittorsarneqarnissaat siunnersuuteqartup kissaatigaa, taamaaliornikkut pineqartut atuarfinni toqqissillutik tatiginnillutik pisariaqartitsinerallu naapertorlugu saaffissaqarsinnaanerat qulakkeerseqarsinnaaqullugu.

Siunnersuutip Inatsisartuni siullermeerneqarnera

Meeqqanut inuusuttunullu inuuniarnikkut ajornartorsiuteqartunut saaffiginnittarfimmik pilersitsinissamut meeqqat atuarfii pisussaaffeqanngitsut siunnersuutigineqartumut akissuteqaammi Naalakkersuisut oqaatigaat. Siunnersuummi peqqutigineqartoq tunngavigineqartoq kukkuneqareerpoq tamannalu tunngavigalugu ilusimisut iluseqartoq tapersersorneqarsinnaanani. Ataatsimut isigalugu meeqqat atuarfii ilinniagaqarfiillu tamakkiisumik isigisumik meeqqanut inuusuttunullu inuuniarnikkut ajornartorsiuteqartunut sinaakutissanik suliniutinillu pilersitsinissamut pingaarutilimmik inissisimasut akisussaafeqartullu Naalakkersuisut isumaqarput. Isumaginnittoqarfiit ilinniagaqarfiillu aaqqissuulluakkamik suleqatigiinnerat meeqqat ataasiakkaat inuusuttullu ataasiakkaat atugarissaarnissaasa qulakkeerneqarnissaanut tunngaviusoq Naalakkersuisut eqqumaffigaat. Inatsisip katitigaanera naapertorlugu suleqatigiinnerup tamatuma pitsanngorsarneqarnissaanut kommunit ataasiakkaat isumaginnittussaapput.

Suliniutit eqqortut pingaarnersiorneqarnissaat aallartisarneqarnissaallu siunertaralugu meeqqat inuusuttullu atugaasa meeqqallu atuarfianni inuuniarnikkut atugaasa ineriartortinneqarnissaat tapersersorneqarnissaat, nukittorsarneqarnissaallu siunertaralugu misilittakkanik ilisimasanillu katersinissamut siumut isigisumik Naalakkersuisunit qanimut kommunit suleqatigilersarneqarput.

Siumut, Inuit Ataqatigiit, Atassut Demokraatillu kommunit Namminersorlutillu Oqartussat akornanni akisussaaffimmik avitseqatigiittarneq atuuttoq pillugu Naalakkersuisut saqqummiussaata innersuussutigalugu siunnersuut tapersersinnaanngilaat. Meeqqanut atuartunut inuusuttunullu ilinniagaqartunut inuuniarnikkut ajornartorsiutaannut tunngatillugu apeqqutit siunnersuummi ersersinneqartut eqqortorujussuummata, pingaaruteqarpoq ajornartorsiutit sammineqarnissaat, suliniutit, aaqqiissutissatullu suliniutigineqartut meeqqanut inuusuttunullu meeqqat atuarfiini ilinniagaqarfinilu inuuniarnikkut unammilligassaat aalajangiusimaneqartariaqartut tigulluarneqarlunilu.

Tamanna tunngavigalugu siunnersuut Ilaqutariinnermut Peqqissutsimullu Ataatsimiititaliami suliarineqartussanngorlugu innersuunneqarpoq.

Ataatsimiititaliap siunnersuummik suliaqarnera

Siunnersuuteqartup tunngavigisaa naapertorlugu saaffiginniffiusinnaasunik pilersitsinissamut meeqqat atuarfiisa pisussaaffeqannginnerat ataatsimiititaliamit tusaatissatut tiguneqarpoq. Nunatsinni meeqqat atuarfii pitsaanerpaamik qanoq aaqqissuunneqarsinnaanerat aammalu pisariaqartinneqartunut qaffasissuseqarnissaat siunertaralugu minnerunngitsumillu meerarpassuit inuusuttorpasullu sumiginnagaanermik atugarliornermillu oqimaarsartunut iliuseqarnissamut tunngatillugu sinaakusiortoqarnissaa neqeroorusiortoqarnissaalu ataatsimiititaliamit naatsorsuutigineqarpoq.

Tamatumunnga atatillugu Inatsisartut peqqussutaanni § 5, imm. 2, nr. 1, 15. april 2003-meersoq immikkut erseqqissaatigissallugu ataatsimiititaliaq isumaqarpoq, tamanna naapertorlugu *Inuit isumaginnittoqarfimmi, atuarfeqarfimmi imaluunniit peqqinnissaqarfimmi atorfeqartut meeqqamik ikiorneqarnissamik pisariaqartitsisumik paasisaqarunik kommunalbestyrelsimut nalunaaruteqarnissaminnik sakkortunerusumik pisussaaffeqarput. Taamatuttaaq inuit qinigaasimanertik tunngavigalugu suliaqartut nalunaaruteqarnissaminnik sakkortunerusumik pisussaaffeqarput.*

Taamaalilluni inuit atuarfeqarfinni atorfillit **nalunaaruteqarnissaminnik sakkortunerusumik pisussaaffeqarput**, tassa sumiginnaasoqartillugu imaluunniit atugarliortoqartillugu isumaginninnermut oqartussanut nalunaaruteqarnissamut pisussaaffeqarput.

Taamaalilluni ilinniartitsisut atuarfiillu pisortaat ilisimasaqartutut atuortoq immikkut ikorfartorneqarnissaminnik pisariaqartitsisoq ilisimaneqarpat imaluunniit pasitsaassinissamut tunngavissaqarpat isumaginninnermut oqartussanut nalunaaruteqarnissaminnik sakkortunerusumik pisussaaffeqarput. Ulluinnarni avatangiisit, atuarfik imaluunniit inuiaqatigiit akornanni ajornartorsiuteqarnermik tunngaveqarpata, imaluunniit atuortoq naammaginngitsumik atugaqarpat, tassunga atatillugu sumiginnaasoqartillugu, imaluunniit timikkut piginnaasat annikillisimaneri tarnikkulluunniit piginnaasat annikillisimaneri pissutigalugit immikkut ikorfartorteqarnissamik pisariaqartitsisoqartillugu. Nalunaaruteqarnissamut pisussaaffeqarnermi sumiginnaasimanissaq, innarliisimanissaq assigisaanilluunniit pisoqarnissaanik piumasaqaataanngilaq. Ilinniartitsisup atuarfimmiluunniit aqutsisup oqaloqatigiinnikkut imaluunniit siunnersuinikkut angajoqqaanik atuartumillu ilitsersuinikkut ikiorsiisoqarsinnaatinnagu atuartup ajornartorsiuteqarnera naammappoq.

Atuarfiit ilaanni aqutsisoq nalunaaruteqartarpoq, ilinniartitsisorli akisussaaffimminik sumiginnaasinnaanngilaq pisortaaqsup nalunaaruteqannginnissani toqqassappagu. Taamaalilluni nalunaaruteqarnissamik pisussaaffik inuttut pisussaaffiuvoq atuarfeqarfinni sulisunut ataasiakkaanut ilaatigut akisussaaffiusoq.

Taamaalilluni atuartut kikkulluunniit ullumikkut atuarfimmi sulisumut tatigisaminnut ajornartorsiutigisatik pilugit saaffiginnissinnaapput. Saaffigineqartoq pisussaavoq malitseqartitsinissaminut nalilersuilluareernerullu kingorna nalunaaruteqarnissamut pisussaaffini piviusunngortillugu.

Meeqqat atuarfiisa inatsisit katitersimanerat naapertorlugit ullumikkut aaqqissugaannginnerat saaffiginniffiusinnaasunik pilersitsinissamut pisussaaffeqanngikkaluortoq atuarfinni ilisimasanik misilittakkanik, ilinniagaqarfiit kommunillu meeqqat inuusuttullu

inuuniarnermikkut ajornartorsiutaannut tunngatillugu suliniuteqarsinnaanerak akornutissaqanngilaq. Pineqartumi ilisimasanik katersinissaq ilisimasanillu avitseqatigiinnissaq annertuumik pisariaqarpoq, matumanilu pingaartumik nunatsinni meerarpassuit inuusuttorpasuiullu sumiginnagaanerup kinguneranik oqimaatsumik inuuniarnikkullu ajornartorsiutinik allanik nammataqarfiusumi.

Meeqqat inuusuttullu ulluinnarni piffissarujussuaq meeqqat atuarfiini ilinniagaqarfinnilu atortarmassuk, meerarpassuit inuusuttorpasuiullu ilinniakkatigut ajornartorsiuteqarnermik saniatigut inuuniarnikkut inuttullu ajornartorsiutinik nammataqarsinnaapput, taamaattumillu misilittagaqarnissaq ilinniakkatigut ineriartornissaq apeqqutaalluinnarmat ilinniagaqarfinnit taakkunannga iliuseqarfigineqarnissaat pisariaqarpoq. Ajornartorsiuteqarfiit ajornartorsiutillu ataatsimoortut pillugit atuartitaanermi ilinniartitaanermilu politikki sukateriffigineqarnissaat tamannalu aallaavigalugu iliuseqartoqarnissaa Ilaqutariinnermut Peqqissutsimullu Ataatsimiititaliamit ilimagineqarpoq.

Nunatsinnut tunngatillugu meerarpassuarnut inuusuttorpasuiullu toqqissimananngitsumik sumiginnarneqarsimasunut aammalu angajoqqaanit inersimasunillu qanilaarfigineqaratik ernumanartorujussuarmik annilaarnartumillu peroriartornerup kingunerisaanik ajornartorsiuterpassuarnut atatillugu eqqarsarnissamut tamakkiisumillu isiginninnissamut pisariaqartitsivugut. Nalinginnaasumik ilisimaneqarpoq uppersarneqarnikuullunilu atuarluarsimaneq inuuniarnermi kingornuttakkat pitsaanngitsut qaangernissaannut matuersaataasartoq. Pingaartumik meeqqanut angerlarsimaffiup avataanut inissinneqarsimasunut aammalu meeqqanut inuusuttunullu mianersuuttariaqartorpasuiullu angerlarsimaffimmi ilaqtutaminnullu sumiginnarneqarsimasunut atuulluni.

Ulloq 17. oktober 2016 apeqquteqaat aallaavigalugu oqallisissiami - UKA 2016/75-imut oqaluserisassami - meeqqanut inuusuttunullu nuna tamakkerlugu ataqatigiissumik iliuisissatut pilersaarummik pisariaqartitsisoqarnera ersarilluinnartoq politikkikkut isumaqatigiissutigalugu tikkuarneqarpoq.

Nunatsinni meeqqat inuusuttullu atugaat ineriartornerallu pillugit tapersersorneqarnissaannut immikkut iliuisissatut pilersaarusiorqarnissaanik pisariaqartitsisoqarnera politikkikkut ersarissumik oqariartortoqarnera ataatsimiititaliamit tapersersorneqarpoq, tamannalu naalakkersuisooqatigiit isumaqatigiissutaanni 2016-2018-imut ilanngunneqarsimammat maluginiarsimallugu.

Meeqqat inuusuttullu atugaannut tunngatillugu ungasinnerusoq isigalugu tamakkiisumillu isigisumik nuna tamakkerlugu iliuisissatut pilersaarummik suliaqarnissaq sapinngisamik piaartumik aallartittoqarnissaa Ilaqutariinnermut, Naligiissitaanermut, Isumaginninnermut Inatsisinillu Atortitsinnermut Naalakkersuisup erseqqissaatigimmagu ataatsimiititaliamit qilanaarineqarpoq.

Nunatsinni meeqqat inuusuttullu atugaasa ineriartorerallu tapersorsorneqarnissaat pillugu tamakkiisumik isigisumik nuna tamakkerlugu piaartumik iliuusissatut pilersaarusiortoqarnissaa pingaaruteqarnera eqqarsaatigalugu, siunnersuutip matuma aappassaaneerseqarnissaanut pilersaarut manna qaqugu aallartinneqassanersoq pillugu Naalakkersuisup nalunaaruteqarnissaa ataatsimiititaliamit qinnutigineqarsinnaavoq.

Nunatsinni meeqqat inuusuttullu atugaat ineriartorerallu nukittorsarumallugit Namminersorlutik Oqartussani kommuninilu nukiit ataatsimoortittariaqarpavut. Suliassat anguniakkallu suliarinissaannut akisussaaffeqartumik pisortaqarfiit immikkoortoqarfiillu akimorlugit suleqatigiittoqarnissaa qulakkeertariaqarparput. Ataatsimoorussamik akisussaaffeqartoqartariaqarpoq Namminersorlutillu Oqartussani namminermi kommuninik suleqateqarnissamut sunniivigeqatigiinnissaq qulakkeerseqarluni.

Pisortat immikkoortitaarlutik sulinerat qimassinnaangikkutsigu, pisortaqarfiit arlaqartut kommuninilu suliffeqarfiit aammalu allat suliamut attuumassuteqartut ajornartorsiutinik aaqqiissuteqarniarlutik suleqatigiissinnaangippata meerartatsinnut inuusuttatsinnullu ajoqutaassooq. Nunatsinni meeqqat inuusuttullu atugaat ineriartorerallu pitsaasut annertunerpaamik politikikkut eqqumaffigineqartariaqarput, taamaattumik tulluartsuussaaq piaartumik ataqatigiissumik, siunnerfilimmik tamakkiisumillu isigisumik nukiit ataatsimoortinneqarnissaanut, immikkoortut oqartussallu ataatsimut siunnerfeqarlutik suliniuteqarpata.

Ilaqutariit toqqissisimanissaannut ingerlalluarnissaannullu suliniuteqarnitsinni, aammalu meeqqat inuusuttullu ikorfartorniarlugit kiisalu ilaqutariinnut sanngiitsunut mianernartumillu inissisimasunut suliniuteqartoqarnerani, naak siunertat pitsaagaluartut, ataatsimut siunertanut aaqqiissutissanullu suleqatigiissinnaasarsimangilagut nukiillu annertusarniarneq ajorsimallugit.

Atuarfiit, peqqinnissaqarfiit inunnik isumaginnittoqarfiit aamma Namminersorlutik Oqartussat kommunilu ilaqutariinnut ingerlalluannigitsunut tunngatillugu aammalu meeqqat inuusuttullu pisariaqartitaannut tunngatillugu attaveqatigiinneq ajornerat akisussaaffimmillu kivitsisinnaanginnerat uppersaatissaqarluartoq alianaraluartumik arlaleriarluta misigisarsimavarput.

Ukiorpassuit ingerlanerini pisortat meeqqanik inuusuttunillu sumiginnaasarnerat uppersaatissaqartipparput, naak pitsaasumik nalunaaruteqartoqartaraluartoq anguniagaqartoqartaraluartorlu sumiginnaasarneq annertusiartuinnarsimavoq.

Iliuusissatut pilersaarummi suliassat naammassineqarsimannginnerat tunngavigalugu pisortat sumiginnaasimanerat uppersaatissaqartillugulu paasisimavarput, tassami nalunaartussaataitaneq paatsoorneqarsimammat nipangersimasussaataitaneq pillugu paatsuungasoqarsimaneranik nukissaaleqinermut, meeqqanut inuusuttunullu neqeroorutinut

amigaataasunut aamma qanigisanut neqeroorutitut kiisalu akisussaasut sumiginnaasimanerat pissutaallutik nipituuliortoqarsimananilu iliuuseqartoqarsimanngimmat.

Pitsaaliuinermik suliniutit nukittorsarneqarnerat ingerlatiinnarneqassasoq ataatsimiititaliamit aammaarlugu erseqqissaatigineqassaaq, taamaaliornikkut ajornartorsiutit annertusinnginnerini pulaffigisinnaaniassagatsigit, aammalu ajornartorsiutitut ataasiakkaanut inuiaqatigiinnulluunniit aaqqinneqarsinnaanngitsumik ajoqusiinnginnerini. Ajoqusiinerit kingunipiluilu annertusivallaarnerisigit innuttaaqativut inuunermi annersaani annertuumik innarlerneqarsimanermut sumiginnarneqarsimanermullu kingunerluutitut akiuunnissamut annertusivallaannginnerini akulerussinnaasariaqarpugut.

Soorunami sumiginnaanerup kingunerisaanik neqeroorutitut toqqaannartumillu suliniutitut pisortat ikiorsiisussaapput, meeqqanulli inuusuttunullu sumiginnaasarnermut innuttaasullu akornanni innarliisarnernut siunnerfilimmik suliniuteqassaagut. Ajornartorsiuteqarfinnut imaluunniit pasitsaassiffigineqartuni immikkut ittumik, ujartuilluni sukkasuumik suliniartoqartariaqarpoq.

Meeqqanut inuusuttunullu saaffiusinnaasut piusut

Meeqqanut inuusuttunullu immikkut ajornartorsiutilinnut inuuniarnikkut inuttulluunniit ajornartorsiuteqarunik ullumikkut saaffissarpassuaqarput. Suliap ingerlateqqinnerani anguniakkatsinnut takorluukkatsinnullu tunngatillugu, ataqatigiissaarinermik taamak katitigaatigisumik, inuiaqatigiinnilu aaqqissuussaaniikkut katitigaanermik taamaattumik, pilersitsisimanerput naalakkersuinikkut qisuariaateqarfigineqartariaqarpoq.

Innuttaasut matumani ilaallutik meeqqat inuusuttullu tamarmik kommuninut, piffinni peqqinnissaqarfeqartuni politeqarfeqartuni innuttaasunik kikkunnilluunniit pisariaqartitsisunik sullissisinnaasunik saaffigineqarsinnaasunik matumani ilanngulugit meeqqanut inuusuttunullu atugarissaarnermut/inunnik isumaginninnermut immikkoortotaqarfeqartunut saaffiginnissinnaapput:

Tamatuma saniatigut aqqanilinnik nunatsinni ilaqutariinnut sullissiviuteqarpugut, ilaqutariinnut aamma meeqqanut inuusuttunullu ernumanartumik inissisimasunut ikiuunnissamut siunnersuinissamullu nikerartumik annertussusilimmik neqerooruteqarsinnaasut. Ilaqutariinnut sullissivinni assigiinngitsutigut annertussusilinnik sullissisoqarsinnaavoq:

- Ilaqutariinnut katsorsaaneq
- Siunnersuineq
- Ajornartorsiuteqartunik ikiuineq

Ilaqutariinnut sullissiviit kommunit Atugarissaarnissamut imaluunniit Isumaginninnittoqarfiinit aqunneqarput meeqqanillu inuusuttunillu ikiorsiisarneq aammalu isumaginninnikkut siunertaqartumik misileraanermik aaqqissuussinerit inunnullu isumaginninnikkut neqeroorutit pillugit inatsimmi aalajangersakkani pisortatigoortumik aallaaveqarluni.

Januaarip aallaqqaataani 2012-imi ilaqutariinnut sullissivinnik makkunani pilersitsisoqarpoq: Upernavimmi, Ilulissani, Aasianni, Sisimiuni, Maniitsumi, Tasiilami, Nuummi, Paamiuni, Qaqortumi, Nanortalimmi aamma Narsami.

Meeqqanut inuusuttunullu saaffiginniffiusinnaasunik allanik arlalinnik peqareerpoq. Kinaassutsimik Isertuussilluni Ilaqutariinnut Siunnersuisarfimmut oqarasuaatikkut 31 41 51-imut sianerluni attaveqarnissamut periarfissaqarpoq. Tamatuma saniatigut oqarasuaatikkut siunnersuisarfinnik arlalinnik peqarpugut – assersuutigalugu Meeqqanut Inuusuttunullu oqarasuaat 134, sapaatip akunnera naallugu nal. 19-imiit 21-imut ammasartoq. Aammattaaq nuna tamakkerlugu SMS-ikkut siunnersuisarfeqarpoq, meeqqat inuusuttullu akeqanngitsumik siunnersorneqarfigisinnaasaannik attaveqarfigisinnaasaannillu piffissami ataasinngornermiit tallimangornermut 16:00-imiit 18:00-imut.

Aammattaaq meeqqanit inuusuttunillu pisariaqartitsineq naapertorlugu saaffigalugit attavigineqarsinnaasunik allanik peqarpugut. Assersuutigalugu makku: Saaffik, - Nuna Tamakkerlugu Meeqqanut inuusuttunullu kinguaassiuutimikkut atornerlunneqarsimasunut Qitiusumik Sullissivik. Tamatuma saniatigut nuna tamakkerlugu Meeqqat Illersuisuanik ulluinnarni allaffiit ammarnerni nuna tamakkerlugu meeqqanit inuusuttunillu saaffiginnittunit oqaloqatigineqartartoq pigaarput.

www.peqqik.gl iserfigigaanni nuna tamakkerlugu siunnersuisarfiit assersuutigalugu Imminornissamik Eqqarsaateqartut Sianerfigisinnaasaat il.il. innersuunneqarsinnaapput.

Saaffiginnittarfiit piusut amerlineqarnissaannik kissaateqartoqarpat, assersuutigalugu aningaasanut inatsisissamut isumaqatigiinniarnissamut Meeqqat illersuisuannut aningaasaliissutit amerlineqarnissaat siunnersuutigineqarsinnaavoq, taamaaliornikkut taassuma meeqqanut inuusuttunullu “inuuniarnerminni ilungersuuteqartunut saaffigineqarsinnaasut immikkut siunnersuisarfiit amerlineqarnissaat annertusineqarnissaalluunniit neqeroorutigisinnaassagaluarماغu.

Nuna tamakkerlugu saaffiginnittarfiit nunatsinni sumiikkaluaraanniluunniit saaffigineqarsinnaaneri pitsaaqutigaat, oqarasuaateqarlutillu internetseqaramik, naak nammineq najuutinngikkaluarluni attavigineqarsinnaasunik.

Meeqqat inuusuttullu kikkulluunniit sumi najugarneq apeqqutaatinnagu ajornartorsiutitik pillugit eqqarsaatiminnillu ernumassutigisaminnik inuuniarnerminni inituunik tusarneqarnissaminut siunnersorneqarnissaminnullu toqqissillutik saaffigisinnaasaannik periarfissaqarnissaat Ilaqutariinnermut Peqqissutsimullu Ataatsimiititaliamut pingaaruteqarluinnarpoq. Meeqqat inuusuttullu kikkulluunniit tapersorneqarlutik siunnersorneqarnissaminnut iliuseqarfigineqarnissaminnullu piffissaqarfigineqarnissaat pingaaruteqarpoq.

UPA 2016/49-mut siunnersuut pillugu

Tamatumunnga atatillugu ataatsimiititaliaq pinngitsoorumannngilaq erseqqissassallugu, ataatsimut ammaannartumik saaffigisinnaasamik peqarnissaq pillugu UPA 2016/49-mut siunnersuut UPA 2016-imi ataatsimiititaliap oqaluuserimmagu, ima oqaasertaqarluni tamanit akuerineqartoq:

Naalakkersuisut kommunit suleqatigalugit kommunalbestyrelsinut oqarasuaatikkut allakkatigulluunniit kalerriinissamit pitsaanerusumik aqqutissiuunneqarnissaq pillugu periarfissiinissaq misissoqquneqarpoq, meeqqap ineriartornera peqqinneraluunniit navianartorsiortinneqarpat.

Meeqqat inuusuttullu atugaat ernumanartut pillugit pisariitsumik, ersarissumik tatiginassuseqartumillu periuseqarluni nalunaaruteqartoqartarnissaanik pisariaqartitsisoqarnera pillugu siunnersuutigineqartoq tamanit isumaqataaffigineqarpoq.

Meeqqanut inuusuttunullu ikiorsiisarneq pillugu inatsisip atuuttup taartissaanik nutaamik siullermiigassamik siunnersusiortoqassasoq UKA 2016-imi siunertarineqarpoq. Meeqqanut inuusuttunullu saaffiginnittarfiit nukittorsarneqarnissaannut tamakkiisumillu isigisumik periarfissiinissaannik qanoq suleriaqqittoqarsinnaaneranut politikikkut qisuariarnissamut aallaavissatut, pineqartumilu aqutsisoqarfiit akimorlugit suleqatigiittoqarnissaani qanoq qulakkeerisoqarsinnaaneranut annertusaasoqarsinnaanerannullu siunnersuut namminermi aallaaviussaaq.

Politikkikkut nikittoqarnera pissutigalugu siunnersuut Inatsisartut ataatsimiinneriniit peerneqarmat ataatsimiititaliamit tusaatissatut tiguneqarpoq. UPA 2017-imut meeqqat inuusuttullu pisariaqartitaannik naammassinnittumik tamakkiisumillu eqqarsaatersornissamik politikikkut oqariartuuteqartumik nunattalu isumaqatigiissutinut pisussaaffiitut naammassinnilluni nutaamik siunnersuusiortoqarnissaa ataatsimiititaliamit naatsorsuutigineqarpoq.

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq, aalajangiiffigisassatut siunnersuutip piviusunngortinneqarnerani aningaasatigut allaffissornikkullu kingunerisassai siunnersuummut tunngavilersuutini allaaserineqassasut.

Siunnersuutip piviusunngortinneqarnissaanut siunnersuummi aningaasatigut kingunerisassat allaaserineqarsimasut, taamaalilluni ukioq suliffiusup sisamararterutaanik nassuiaammik kissaatigineqartumik suliaqarnissamut Naalackersuisoqarfik atuissasoq ilimagineqartoq ataatsimiititaliamit maluginiarneqarpoq.

Ataatsimiititaliap inassuteqaataa

Siunnersuummik siullermeerinermi tunngavilersuutitut oqaatigineqartut innersuussutigalugit siunnersuutip itigartineqarnissaa aalajangiusimaneqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasutut naalackersuinikkut oqariartuuteqarluni ataatsimiititaliap siunnersuut aappasaaniigassanngortippaa.




Laura Tåunâjik
Siulittaasoq




Mala Høy Kuko




Jess Svane




Karl-Kristian Kruse



Debora Kleist



Mimi Karlsen



Kelly Berthelsen